

ՄԱՅՐ ԱԹՈՒ Ս. ԷԶՄԻԱԾՆՈՒՄ ԱՇԽԱՏԱՆՔՆ ՄԿՄԵՑ ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆԻՍՏԸ

Մայր Աթոռ Ս. Էջմիածին, 21 հունիսի 2000 թ.:

Այսօր Մայր Աթոռ Ս. Էջմիածնում, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի բարձր նախագահությամբ և Երուսաղեմի հայոց Պապրիարք Ս. Թորգոմ արքեպս. Մանուկյանի արեւնապետությամբ, իր աշխատանքն սկսեց Գերագույն Հոգևոր Խորհրդի այս փարվա առաջին ընդլայնված նիստը:

Ողջույնի խոսքից հետո Վեհափառ Հայրապետը ժողովականների ուշադրությանը ներկայացրեց կաթողիկոսական ընտրությունից ի վեր ութ ամիսների ընթացքում Մայր Աթոռի գործունեության վերաբերյալ իր համապարփակ գեկույցը: Տեղեկություններ փոխանակեցին Մայր Աթոռի միաբանության, վարչակառուցվածքային բարեկառույնների, հոգևոր-կրթական հաստատությունների, փառաքանի գործունեության, Հայրապետական այցելությունների, ինչպես նաև Մայր Աթոռ Ս. Էջմիածին կապարված այցերի, միջեկեղեցական հարաբերությունների և գործունեության այլ ուղիների վերաբերյալ:

Գերագույն Հոգևոր Խորհուրդն իր աշխատանքը շարունակեց մինչև հունիսի 24-ը: Եռօրյա նիստի ընթացքում լսվեցին Մայր Աթոռի համապարփախան բաժինների հաշվետվությունները՝ Մայր Աթոռի ֆինանսական կացության, 1700-ամյակի եկեղեցական գրասենյակի գործունեության, Մայր Աթոռի շինարարական աշխատանքների, Զրիստոնեական դաստիարակության և քարոզչության կենտրոնի գործունեության մասին, քննարկվեցին հոգևորականների վերապարտաստության, վաճական միաբանության վերահաստատման, սոցիալական ներդրումներին վերաբերող ծրագրերը: Ժողովի օրակարգում ներառնված էին նաև Հայ Եկեղեցու կանոնադրությանը, նվիրապետական Աթոռների և թեմերի հետ ունեցած Մայր Աթոռ Ս. Էջմիածնի, ինչպես նաև Եկեղեցի - պետություն հարաբերություններին առնչվող հարցեր:

Նստաշրջանին մասնակցում էին Եգիպտոսի թեմի առաջնորդ Ս. Զավեն արքեպս. Չինիչյանը, ԱՄՆ արևմտյան թեմի առաջնորդ Ս. Վաչե արքեպս. Հովսեփյանը, Կենտրոնական Եվրոպայի հայրապետական պապովիրակ և Փարիզի առաջնորդ Ս. Գյուր արքեպս. Նազգաշյանը, Ս. Ներսես արքեպս. Պոզապալյանը, վիրահայոց թեմի առաջնորդ Ս. Գևորգ արքեպս. Սերայդարյանը, Հնդկաստանի և Ծայրագույն Արևելքի հայրապետական պապովիրակ, Ավստրալիայի և Նոր Զելանդիայի թեմի առաջնորդ Ս. Ադան արքեպս. Պալիոզյանը, Արգենտինայի թեմի առաջնորդ Ս. Գիսակ արքեպս. Մուրադյանը, ԱՄՆ արևելյան թեմի առաջնորդ Ս. Խաժակ արքեպս. Պարսամյանը, Արցախի թեմի առաջնորդ Ս. Պարզև արքեպս. Մարտիրոսյանը, Սյունյաց թեմի առաջնորդ Ս. Աբրահամ եպս. Մկրտչյանը: Ժողովի մասնա-

կիցների թվում էր նաև Արարաբյան Հայրապետական թեմի առաջնորդական փոխանորդ Ս. Նավասարդ եպս. Կճոյանը, որն ի պաշտոնն ընդգրկվել է Գերագույն Հոգևոր Խորհրդի կազմում: Գերագույն Հոգևոր Խորհրդի հերթական նիստին իր մասնակցությունը չի կարողացել բերել Թուրքիո հայոց Պատրիարք Ս. Մեսրոպ արքեպս. Մութաֆյանը՝ Ս. Գրիգոր Լուսավորչի ձեռնադրության վայր կատարելիք ավանդական ուխտագնացության պատճառով:

Ժողովի ընթացքում ցավով հիշատակվեց նաև Գերագույն Հոգևոր Խորհրդի նախկին անդամ, հանգուցյալ Գրիգոր Խանջյանի անունը և հարգանքի փուրք մատուցվեց նրա հիշատակին:

ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ԱՆԴԱՄՆԵՐՆ ԱՅՅՆԵԼԵՑԻՆ Ս. ՄԵՍՐՈՊ ՄԱՇՏՈՅԻ ԳԵՐԵԶՄԱՆ

Մայր Աթոռ Ս. Էջմիածին, 23 հունիսի 2000 թ.:

Այսօր Նորին Սրբություն Գարեգին Բ Կաթողիկոսը Երուսաղեմի հայոց Պատրիարք, Ամենապատիվ Ս. Թորգոմ արքեպս. Մանուկյանի և Գերագույն Հոգևոր Խորհրդի անդամների ու բարձրաստիճան այլ հոգևորականների հետ այցելեց Օշական՝ Ս. Մեսրոպ Մաշտոցի շիրիմին՝ հարգանքի փուրք մատուցելու մեծ վարդապետի հիշատակին և, ինչպես Վեհափառ Հայրապետն ասաց, մեկ անգամ ևս վերանորոգելու ծառայության ուխտը հայրենիքին, ժողովրդին և լուսավորչահիմն Առաքելական Ս. Եկեղեցուն:

Վեհափառ Հայրապետին և Սրբազան Հայրերին Ս. Մաշտոց եկեղեցու մուրճին դիմավորեց Արագածոտնի թեմի առաջնորդական տեղապահ Ս. Վազգեն վրդ. Միրզախանյանը:

«Մեր աղոթքն է, որ մեր ժողովրդի զավակունք մշտապես իրենց քայլը ուղղյալ պահեն դեպի այս նվիրական սրբատեղին, որով կերտվել է մեր ժողովրդի հավատքը, ոգին և նկարագիրը: Թող Մաշտոցի սրբազան բարբառը մշտապես մեր շուրթերին լինի, փայփայենք այն մեր հոգիներում և մաշտոցյան շնչով կերտենք մեր եկեղեցական-ազգային կյանքը», - պատգամեց Վեհափառ Հայրապետը եկեղեցում հավաքված բազմաթիվ հավատացյալներին:

Ս. Մաշտոց եկեղեցում աղոթք բարձրացվեց նաև երջանկահիշատակ Վազգեն Ա և Գարեգին Ա Հայրապետների համար, որոնց շնորհիվ բարեգաղտվեց եկեղեցին, վեր համուկեց վարդապետի անունը կրող գիտական կենտրոնը: Ինչպես Սրբազան Հայրերին հայտնեց Հայր Վազգենը, մինչև Թարգմանչաց տուն կավարտվեն նաև եկեղեցու շրջակա փարածքի բարեկարգման աշխատանքները: